

Domisdé de ritiro a Bornech y Oies

En sabeda, ai 27 de ma a Bornech tla dlija di capuzineri (dales 15.00 ales 17.00) y en domènia, ai 28 de ma tla dlija a Oies (dales 16.00 ales 18.00), vègnel tigní n domisdé cun adoraziun eucaristica, S. Mèssa (Primizmesse), poscibilité da se confessé y benedisciun cun Br. Gabriel Hüger y so fre primiziant. Düc é dër bel invιά a tó pert!

La Spona

Le zënter sozial La Spona invièia düc i amisc y interessá ai 10 de ma ala festa di 30 agn dl salf protezioné a Pidro. Al vègn fat n dé dla porta daverta, olá che al sará la poscibilité da gní a ciaré la strotóra y le laur di assistis. Dales 9:00 edl la daurida ufiziala cun n pice teater y la porta romagn daverta cina les 14:30 cun teatri, informaziuns, films sura les ativites y n bufé.

Sorvisc ai Joqn


Le Sorvisc ai Jogn Val Badia chir voluntars a daidé pro la "Festa di mituns 2017" che sará ai 11 de messé dales 09:00-17:00 o ince ma mez le de. Chi che ess interes pó cherdé al nr. 0474/523070 cina ai 27.05.2017 (dal lönesc ala jöbia dales 08:00-12:00 y 13:00-17:00).

Sorvisc ai Joqn

Consulènza tl marcé y tl monn dl laur: le Sorvisc ai Jogn Val Badia lascia alsavei che la terza y ultima consulènza sora le monn dl laur con Giorgio Costabiei gnará tignida en **mercui ai 10 de ma dales 15.30 ales 17.00 tl zënter dla jonèza y cultura Saj.un a La Ila alzada -2** (impede la incuntada dai 5 de má). Al ne va debojügn de degüna prenotaziun. An podará baié singolarmënter cun l'aconsiadú. . Por informaziuns cherdé sö te Sorvisc ai Jogn al numer 0474/523070.

Raiun Sozial

Referat „Papa Francesco: un anziano rimasto giovane“ cun don Paolo Renner reladú dër conesciü y aprijé tla Val Badia propi ince por so humor y por so savèi da baié, cuntará sura Papa Francesco de so spirit innovatif y dlungia la jënt. En lönesc ai 8 de má dales 15.00 te Istitut Ladin Micurá de Rù a San Martin de Tor. Organisaziun Uniun di Seniores da San Martin de Tor y Antermèia, düc é dër bel invιά.



Plata dla Ploania La Ila Santa Maria Assunta

Ploian: siur degan Iaco Willeit Calonia La Ila: 0471/847058
E-mail: parrochia.lavilla@rolmail.net Radio de Ploania: 91,40 Mhz
Siur Degan: 347 9094532



Ann A

07.05 - 14.05.2017

FESTA DE SAN FLORIAN n. 24



Dal vangelo secondo Giovanni

Gv 10, 1-10

In quel tempo, Gesù disse: «In verità, in verità io vi dico: chi non entra nel recinto delle pecore dalla porta, ma vi sale da un'altra parte, è un ladro e un brigante. Chi invece entra dalla porta, è pastore delle pecore. Il guardiano gli apre e le pecore ascoltano la sua voce: egli chiama le sue pecore, ciascuna per nome, e le conduce fuori. E quando ha spinto fuori tutte le sue pecore, cammina davanti a esse, e le pecore lo seguono perché conoscono la sua voce. Un estraneo invece non lo seguiranno, ma fuggiranno via da lui, perché non conoscono la voce degli estranei». Gesù disse loro questa similitudine, ma essi non capirono di che cosa parlava loro. Allora Gesù disse loro di nuovo: «In verità, in verità io vi dico: io sono la porta delle pecore. Tutti coloro che sono venuti prima di me, sono ladri e briganti; ma le pecore non li hanno ascoltati. Io sono la porta: se uno entra attraverso di me, sarà salvato; entrerà e uscirà e troverà pascolo. Il ladro non viene se non per rubare, uccidere e distruggere; io sono venuto perché abbiano la vita e l'abbiano in abbondanza».

FUNZIUNS SACRES

- 07.05.17 **FESTA DE SAN FLORIAN**
8.30 Benedisciun di auti y dles mascins
ad int. en on. de Sant Ujöp da Oies
14.00 *Prozesciun a Oies da Cianins demez
por perié do vocaziuns*
- 08.05.17 LÖNESC **S. Viktor**
18.00 def.^o Hannelore y Hermann Pescollderungg
def. Sepl Bernardi, aniv.
def. Sepl Crazzolarà, aniv.
def. Paul Costamoling
- 09.05.17 MERTESC **S. Volkmar**
20.00 Adoraziun dan le Santiscim
- 10.05.17 MERCUI **S. Gordian**
16.00 *Corona de ma en onur de Santa Maria*
18.00 2^a s. mëssa de sopoltöra dla
def.^a Annemarie Pescolderungg
def.^o Vinzenz y Elisabeth Frontull
def.^a Lina Pizzinini, aniv.
def.^a Caterina Crazzolarà
- 11.05.17 JÖBIA **S. Gangolf**
18.00 *degöna funziun*
- 12.05.17 VÈNDRES **S. Pankratius**
7.25 def.^a Anna Canins
def.^a Maria Pescollderungg
def.^a Helga Agreiter
def. Lois Ferdigg
18.00 *Corona de ma en onur de Santa Maria*
- 13.05.17 SABEDA **S. Servazius**
18.00 def.^a Emilia Soplá Pizzinini
def. Pepi Vonmetz, aniv.
def.^a Maria Rabisé, aniv.
def.^a Annamaria Granruaz, aniv.
- 14.05.17 **FESTA DLA UMA**
8.30 3^a s. mëssa de sopoltöra dla
def.^a Annemarie Pescolderungg
por i proi def.^o Siur Valerio, Siur Richard y Siur Christian
dedo corona por la def.^a Annemarie Pescolderungg
11.00 *Zelebraziun dl Sacramènt dl Bato*



VITA DLA CÜRA

Les mius aodanzas



En mertes, ai 9 de ma complësc **Alma Valentini** la bela eté de **82 agn**. La comunité da La Ila ti aoda les mius aodanzas, la sanité y la benedisciun de nosc Signur Idf. Lapró n gran giulan por le laur prezios te colonia.

Gran incuntada de düta la valada en preparaziun ala vijita pastorala.

cun le vicar general siur Eugen Runggaldier

I mëisc d'otober y novëmber vëgn le vësc Ivo Muser a vijité nosta Unité pastorala cun sües ploanies. Adöm a sü colauradusc ti jaral plü sot a trëi tematches, döes de chëres ch'i podun nos chiñ fora:

en sabeda, ai 13 de ma dales 8.30 – 12.30 tl Istitut Ladin a San Martin.

Al é n'incuntada cun la jënt, cun dötes y cun düc chi ch'á interes. Al è dërt sce i portun ite nostes propestes, nostes ideas, nüsc debojëgns, porchël, tolesse l'tëmp y gnide.

Uniun di Èi

L'uniun ëi Val Badia inviëia düc i ëi y jogn a tò pert ala prozesciun cun linternes o ciandares da se tò para en sabeda ai 13-05 dales 21.00. An paia ia da Porsenù (Parkplatz Aquarena) y jun para cina a Neustift (ca. en ora) olachè al vëgn dit la S.Mëssa. Al vëgn organisè na coriera: düc i interescià è perià da se anzüziè pro Salvester (cell. 333 7247516) cina en jöbia, ai 11-05.

Regraziamënt

L'oferta por le clerus é stada de 232,34€. L'oferta é gnüda menada al ofize por les misciuns dla diozeja. Bel dilan y Idf s'al paes por la solidarieté desmostrada.

DE ECOLOGICH

I romenun sö nosc paisc.

13 de ma 2017